

Randal Luidens, artista

Jingle di I Love My Body ta cla

ORANJESTAD – E aña aki un biaha mas e hoben artista Randal Luidens a handle e jingle di I Love My Body di e fundacion

Famia Planea. Pero e biaha aki esaki tin un toke diferente ya cu e hoben a percura pa composita esaki tambe.

E jingle di I Love My Body di otro aña ta cla. E video di e jingle ta den produccion caba, segun e hoben. Si e no

ta kiboca esaki ta su di tres aña den e proyecto di e jingle di I Love My Body. Pero e biaha aki esaki ta prome biaha cu e hoben ta traha riba e letra di e jingle y e proceso di produccion. “Mi ta hopi contento con el a keda,” Luidens a bisa.

E ta kere cu tur hende cu sa di I Love My Body lo tin un T-shirt ya cu e campaña aki ta uno hopi conoci. E aña aki no ta bay ta diferente, unda cu lo tin hopi producto nobo. Manera tur aña nan ta bin diferente cu tur otro campaña y ta innovativo. E fundacion y e team di I Love My Body lo ta cla un biaha mas cu un jingle nobo composita pa e hoben hunto cu Shandrick Boekhoudt. Luidens a pidi pa tur hende sigui sostene e campaña di I Love My Body pa asina esaki por sigui crece.

Concepto diferente

E prome añanan e jingle no tabata den man di e hoben, pero pa motibo cu e ta esun di mas cerca den e campaña aki y el a haci e composicion, e por a hinca un toke extra den esaki. E hoben a gusta con e final di e jingle ta y na mes momento ta spera cu Aruba henter gusta e jingle a cu e campaña aki. Manera ta un custumber den e jingle di e campaña di I



Love My Body tin un mensahe, y un biaha mas esaki lo ta den dje. Pero e biaha aki Luidens a busca pa trece e mensahe aki den un manera diferente. El a percura cu e mensahe den e jingle por wordo comprende no solamente pa e hobennan sino pa hendenan grandi tambe.

Entretene publico

E anochi di 24 di november cu lo ta e celebracion di Famia Planea unda cu lo presenta e proyectonan di e fundacion, tambe lo tin banda ta toca. Den e caso aki Offo Escudero hunto cu su banda Nfusion lo ta eynan pa asina entretene tur hende. Pa Sr. Escudero ta un placer di por ta forma parti di e anochi aki. □